

天一閣藏明代方志選刊續編



嘉靖象山縣志（浙江）

正德永康縣志（浙江）

天一閣藏明代方志選刊續編

三〇

上海書店

象山縣志序

嘉靖丙辰四月朔余謁

先師進講畢諸生請曰象自三十年来百
度俱圯無一可觀幸我公作宰縣署新
矣學校脩矣城垣建矣其他諸廢壞俱
興且飭矣維邑舊有志蕪廢已久事迹
罔稽歆覽無由也失此弗圖將并今日
之事而俱沒沒矣盍葺諸余應之曰昔

朱子守南康下車問志議者以為知務
象之志余豈無心顧始之弗為者弗暇
為也今之弗為者弗敢為也諸生曰何
謂也余曰夫象有兵事禦侮弗給至諸
廢急匪余誰諉是謂弗暇果若諸士所
述則余徼福於

國家獲庇於當道與夫扶掖於鄉士夫效
勞於諸百姓者廼紀為余事是張已而

侈觀也是謂弗敢諸生曰不然夾谷之
會仲尼之功也其后自作春秋特書曰
齊人來歸田不嫌於自叙其績乎夫固
於我皆真則亦無所於避焉耳考古稽
今以成厥志而併列公事亦奚傷余因
俯而思之良久曰審若此則汝諸士試
為之然集士孔歿適成築室得二三人
專焉可也至於人物一紀余將獨斷直

道最怨吾其身之於是闢圓峰廟館楊
生民彝卜生乾俞生瀾公相纂次越兩
月三生帙所譔志若干部以進余遍閱
之見其博采往藉收錄散亡稽名循實
諏訪必悉參之輿論紀載維核詳而有
體質而不俚詞無失煩美非虛著於是
作而歎曰吁休哉茲書也於史具體矣
庶其可傳矣乎夫先之以建置則今布

定而興廢昭矣次之以區域則經野立
而方位辨矣次之以山川則高卑陳而
勝槩表矣次之以風物則習尚明而土
著彰矣次之以版籍則民事通而取舍
有道矣次之以學校則聖賢尊而樂育
有方矣次之以禮秩則儀文舉而觀感
有自矣次之以兵衛則武功競而邊圉
奠安矣次之以官守則德業著而鑒戒

以樹矣次之以人物則品藻定而興起
有標矣又次之以雜志則觀覽備而巨
細弗遺矣至其詞翰紛郁文獻攸閔弗
之可弗紀也故以藝文終焉即此以昭
往詒來考文訂法俾邑無缺典政教攸
徵胥是而循俗成理焉亦可以弗悖矣
乎是編也博學宏思精索直書三生皆
有可稱版籍數筭則布衣周茂栢所詳

訂余小子總其會而裁成焉至於協相
茲舉則縣丞林君希契主簿王君溥儒
典史林君章邑博吳君瑾皮君錄彙君
子元而鄉大夫周公希程則校而定之
者也有志者幸與繼之

嘉靖叁拾伍年歲次丙辰七月之吉

鄉貢進士文林郎知象山縣事廣右富
川鍾陵毛德京書于丹山公署

以鑑列主於京書于丹山公署

慨貢斯士文林噴吐象山縣事贊成富

嘉慶參外年歲太丙冠士月之吉

香山府志昔幸與縣之出省

于天而慨大夫周公帝路限外而致之

典史林壽章邑制吳侯縣史張福壽

絲舉限限公林壽承獎主贊王壽寧

象山縣志序終其會而錄其志也

象山縣志目錄



縣境圖

縣治圖

建置

區域

山川

風物

版籍

學校

禮秩

兵衛

官守

人物

雜誌

上下


藝文


上下


目錄終











象山縣誌卷一



文林郎知象山縣事富川鍾陵毛德京

文林郎知象山縣事京口沙村王 廂 仝修

賜進士第奉議大夫邑人鳳山周希程 校

邑庠生楊民燠 卜乾

俞 瀾 纂輯

沿革 諸署 諸屬 城池 設官附

建置

先王體國經野用昭民極而建置見焉象雖偏邑規
制當明是故首沿革以肇始次公署以崇觀次官屬